



Nikolaj Jeremiassen, Siumut
-/ Maani

**§ 37 naapertorlugu apeqqummut nr. 101 ilaasunik angallassinermut
tunggasumut akissuteqaat**

Asasara Nikolaj Jeremiassen

Ilaasunik angallassineq pillugu apeqquternut qujanaq. Angallannerup amerlanerpaanut iluaqutaasussaangorlugu aaqqissuunneqartarnissaa Naalakkersuisut pingaartittorujussuaat.

Arctic Umiaq Line (AUL) suliffeqarfiuvoq niuerneramik tungaveqartumik ingerlanneqartoq, taamaattorli amigartooruteqarnissamut qularnaveeqqusiinermik, Sarfaq Ittuup Kalaallit Nunaata kitaani angalaannarsinnaanissaanik qulakkeerisussamik, tapersiivigineqartartoq. Amigartooruteqarnissamut qularnaveeqqusiisuteqarnerup Naalakkersuisut ornigassanut aalajangersimasunut tikittarnissamik naalakkiinissamut periarfissaqartilinnilai.

Taamaattumik Sarfaq Ittuk taamaallaat sumiiffinnut niuerneramik tungavissaqartutut AUL-ip naliliiffigisaannut tikittarpoq. Tamatuma kingunerisaanik AUL kisimiilluni aalajangiisarpog illoqarfii nunaqarfiillu sorliit tikinneqartassanersut. Tassunga atatillugu naliliisoqarpoq Qeqertarsuup Tunuata avannaani aamma Nanortalimmut ilaasussanut tungaviusut ikittuinnaasut, tamatuma aningaasartuutit immikkut angalanissamut atasuusut illuatungilersinnaassanagit.

AUL 2013-imut aamma 2014-imut Namminersorlutik Oqartussanut kiffartuunneqarnissamut isumaqatigiissuteqarpoq, tassani Kitaanni Qeqqata aamma Sermersuup eqqaanni nunaqarfinnut angallassisarnissaq qulakkeerneqarluni. Tassunga atatillugu Sarfaq Ittuk Arsummut aamma Qeqertarsuatsiaanut tikittarpoq, nunaqarfiit allat umiarsuarnit allanit (aamma minnerusunit) tikinneqartarlutik.

Taamaattumik Nanortalimmiit Qaanaamut akuttunngitsumik angalasassasoq Naalakkersuisut kissaatigissagaluarpassuk, tamatumani umiarsuit amerlanerunissaat pisariaqassaaq imaluunniit tikittartut akuttunerujussuannagussallutik, tamannalu qularnanngilluinnartumik immikkut kiffartuunneqarnissamut isumaqatigiissuteqarnikkut annertooujussuarmik ingerlatsinermut tapiissuteqartarnissamik kinguneqassalluni.

Naluneqanngitsutut 2015-imiit atuutilersumik ilaasunik angallassineq pillugu kiffartuunneqarnissamut nutaanik isumaqatigiissuteqartoqartussaavoq. Distriktini ataasiakkaani angallassineq atituumik neqeroortitsivigineqarpoq, aammalu kikkut tamarmik – aamma Arctic Umiaq Line – suliassanut ataasiakkaanut neqerooruteqarnissamut tikilluaqqusaapput. Naalakkersuisut suliassanut taakkununga neqerooruteqarnissamut suliqartussanik immikkuullarissunik qaaqqusissanngillat.

19-05-2014
Sags nr. 2014-099367
Dok. nr. 1580020

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl

Unammilligassat matuma siuliani allassimasut eqqarsaatigalugit Naalakkersuisut isumaqarput illit siunnersuutigisattuut sullissinerup inerisarneqarnissaa ajornartoq.

Neriuppunga matuma siuliani allassimasuni apeqquutit akineqartoq.

Inussiarnersumik inuulluaqqusillunga



Steen Lyngé